

Книга жажы

Лыдзай песяйлэн выжыкыл дуннеяз

**Йёскалык библиоте-
текаын Удмуртиысь
Писательёслэн огазе-
яськонзылэн ёзчиез,
Ижгарысь 17 номеро
шор ёзо школаысь
библиотекарь Зуль-
фия Мимидиминова
нылпиослы гожтэм
«Сказки Бабки-Почи-
тухи» книгаеныз (0+)
тодматйз.**

Ужрадэз усьтйз Йёс-
калык библиотекалэн ди-
ректорез Татьяна Тенсина.
Со пусйиз, книгаез трос
адямиос лыдзйны быгато-
зы шуыса: электронной ва-
риантэн но, аудиоформатэн
но вань ни. Сое ужазы куто-
зы нылпи садын но, школа-
ын но.

— Книгаме сйзисько
анай-атаелы, пиелы, — шуиз
Зульфия Мимидиминова.
— Книгаез яратон пычатйз
апае: солы луыса 4 арескам
шалтыр лыдзйськисько но,
гожъяськисько но вал ни.
Анай-атае заводын 3 сме-
наен ужаллязы, соин дорам
чёмысь огнам кылбылй.
Книга мон понна яратоно
эше луиз. Паймыса учкылй
«В гостях у сказки» пере-
дачаысь укноез усьтылйсь



Ижгарысь Зульфия Мимидиминова
нылпиослы гожтэм «Сказки Бабки-Почитухи» книгаеныз.

песянай шоры. Соин но,
дыр, кылдйз Бабка-Почи-
тухалэн образз. Но мынам
выжыкылысьтым песя-
нае кыче ке зеч фея выл-
лем. Бадзйым классёсын
дышетскыкум, паймытйз
А. Пушкинлэн «Евгений
Онегин» произведениез.
Романэз луэ вылэм кылбур

выллем но гожтыны! Со-
лэсь адзём карыса, выжы-
кылме кылбур порма мал-
пай. Удмуртэн вераськыны
уг быгатйськы ке но, удмурт
литератураез гажасько, ко-
тырам но трос удмурт эшъ-
ёсы. Соос выжыкылъёсме
удмуртэн лыдзйны мед
быгатозы шуыса, вазиськи

журналисты, писательлы
Владимир Михайловлы.

— Кык ар пала берыкто-
нэн выри, — вераз Владимир
Пантелеевич. — З. Мимиди-
миновалэн выжыкылъёсыз
туж капчи гожтэмын, соин
ик берыктыны каньылэн
пөрмытй, удмуртъёслы
матынгес карыны тырши.
Кема малпаськи, кызыы Баб-
ка-Почитухаез берыктыны.
«Кизили» журналын ужасьёс
олокыче но геройёс малпа-
ло: Пальыштык, Ачимбыгай
(Самоделкин)... Соослэсь ад-
зём карыса, Лыдзай песяй-
лэсь образзэ малпай.

Книгалэн художник-ил-
люстраторез Александра
Антюганова шуэ: пичи ды-
рысьтым малпанэ быдэс-
миз, вань суредъёссэ яркыт,
пичиослы синмаськымон
суреданы тырши.

Тусуктыз Татьяна ИЛЬИНА

Пумиськонэ трос тодмо
но дано адямиос лыктэмын
вал, котькудзы шунйт кыл-
зэс, малпанъёссэс веразы,
соос пёлын — «Инвожо»
журналлэн валтйсь редакто-
рез Пётр Захаров, «Кизили»
журналлэн валтйсь редакто-
рез Юргис Алексеев, 17 но-
меро школалэн директорез
Ольга Гильметдинова, «Ше-
лест» издательстволэн ди-
ректорез Галина Гребнева,
филология наукаосъя кан-
дидат Людмила Бусыгина но
мукетъёсыз.

«Сказки Бабки-Почи-
тухи» книгае 7 выжыкыл
пыремын: байлык, лек сям,
жалян, азьтэмскон, кыш-
касьтэм луон, лякытлык, сю-
лэмтэм луон сярысь.

Татьяна ИЛЬИНА



**Педагогика наукаосъя кандидат
Надежда Лекомцева:**

— Мыным шуд усиз «Сказки Бабки-Почитухи»
книгалэсь послесловизэ гожтыны но выжыкылъ-
ёсты нырысьёсыз пёлын лыдзйны. Выжыкылъ-
ёсын тодматскыса, кыче ке шунйт мылкыд
кыле, соос зеч сюлэмо луыны дышетто. Суредъёсыз
яркытэсь, тунсыкоесь. Изён азам лыдзйсько но
ну со суредъёсты йырам бергатйсько ук.